



2016-imi aasartinnagu Telepost A/S-imi piginnittuunermut periusissiamik ersaris-sumik Naalakkersuisut suliaqarnissaannik Inatsisartunut aalajangiiffigisassatut siunnersuut. Piginnittuunermut periusissiassami tele-p iluani namminersortunngorsaannissami pilersaarutit naatsorsuutiginninnerillu ersarissumik allanneqarsi-massapput. Tamatuma saniatigut ingerlassanut Telepost A/S-mut toqqaannartumik imminut akilersinnaanngitsunut Telepost A/S-ip aningaasaliinissaanut qanoq naatsorsuutiginninnerit ersarissarneqarsimassapput, taakkunungaluk søkabelip tallineqarnissaanut radiokædellu pitsanngorsarneqarnissaanut pisat ilaapput.

(Inatsisartunut ilaasortaq, Kalistat Lund, Inuit Ataqtigiit
(Siullermeerneqarnera)

Demokraatit siunnersuut Inatsisartuni ilaasortamit Kalistat Lund-meersoq soqutigalugu atuarsimavaa. Siunnersuutip imarisaa paatsuugassaannigilaq, kisiannili siunnersuut paasisimavarput Tele Post tamakkiisumik isiginiarneqartoq taamatuttaarli aamma oqarasuaatit angallattakkat attaveqaataanni namminersortunngorsaaneq immikkut isiginiarneqarluni – tusagassiutitigut eqqartorneqangaatsiarnikoq aammalu sanaartugassanik aningaasaliinerit nunatta ataqtigiinnerata aqqissuusaaneranut qitiusussat, inuit misigisinnaalernissaannut neqeroorutinut ullutsinnut tulluurtunut periarfissaqarlutik, soorlu nunarsuatsinni atugaasoq.

Sammissaq soqutiginarluinnarpoq. Ingammik ullutsinni takujuminarsiartuinnartumi nunarsuarmi oqarasuaatit angallattakkat *attaveqaataanni* akisunersaasugut. Demokraatinit isumaqarpugut unammilleqatigiinneq sakkussaq ajunngitsuusoq. Soorlu silaannakkut angallanneq takuinnaraani. Ukiut arlaqanngitsut qaangiupput Air Iceland niuernermit ilanngummat siulittuutigineqarpoq Air Greenland ammuinnaq ingerlalernissaa unammilleqatigiinneq takkummat. Piviusoq suua? Air Greenland unammilleqatigiinnermut naleqqussarsimavoq, ukiullu kingulliit ukiumoortumik nalunaarsuinerni kusanarnerpaanik angusaqarluni. Unammilleqatigiinneq peqqutinut ilaalluni. Demokraatit oqarniarpoq unammilleqatigiinneq pissutaalluni aningaasaqarnikkut eqqarsaqqissaarneq pisariaqartinneqalersimasoq. Tele Greenland A/S pineqartillugu ilimagilluinnarparput periuseq assinganik kinguneqarumaartoq.

Siunnersuuteqartoq isumaqatigilluinnarparput Tele Greenland A/S aningaasaqarnikkut aquneqarnera akisussaassuseqartariaqartoq. Tamannapisorta qarfinnit pigineqartunut aktieselskabinut tamanut naatsorsuutigaaupput aningaasaqarnikkut killissaq kisimi takusariaqanngikkaat kisiannili aamma inuiaqatigiinnut tamanut tunniussinnaasaai pillugit. Suna iluaqutaassagami aktieselskabi 10kr-mik iluanaartoq inuiaqatigiit 100kr-mik aningaasarsiornikkut iluanaarutiginnikkaat. Taamaammatt aktieselskabi kisimiitsillugu angusarisinnaasat naammangillat.

Soorunami Tele Greenland A/S eqqartorneqartillugu piginneriaatsit suliarineqartariaqarput. Tamannalu isumaqarpugut anguneqarsinnaasoq. Tele Greenland A/S kisimi pinnagu kisiannili suliffeqarfiit tamarmik pisorta qarfinnit pigineqartut. Tamanna soqutiginarsissooq aningaasaqarnikkut ukiumoortumik nalunaarutit atuarnersigut taamatuttaarlu ataatsimeersuarnerit ilaaffigalugit. Siunnersuutip imarisaa taamaasilluni piviusunngoreersinnaavoq.



Siunnersuuteqartup oqalugiaatissaminut ilannguppaa: “ *Ullumikkut nuna tamakkerlugu akit atussaanissaanni tapiissuteqartoqartarpoq kisermaassisutullu ingerlatsiviulluni. Tamanna ersoqatigiinnertut nunalu tamakkerlugu aningaasaliisarnernik qulakkeerisutut Inuit Ataqatigiinniit isigaarput.* ” issuaaneq naavoq. Tamanna eqqortuunngilaq.

Silaannakkut angallaneq qiviaqqissiuk. Uani akit eqqartorneqartut apparput unammilleqatigiinneq eqqunneqarmat. Taamaattumik Inuit Ataqatigiit politikikkut maanngaanaq ingerlatsitsisoqarpoq, nunarsuarmioqatigiinni piviusumillu sammisaq utertitsiffigineqaqattaaginnavissoq eqqartortariaqanngitsorluunniit. Demokraatit isumaa allanngortitassaannngilaq Tele Greenland A/S unammilleqatigiinnerup aqqanik sutigut allatigut ajunngitsumik pissarsiassaartoq. Suliffeqarfimminni pitsanngorsaanermik suliaqartariaqalissapput, pisisut kiffartuussineq kisiat akilertalerlugu allanut tunngasut ilanngunnagit. Air Greenland tamanna iluatsippaa tamattalu nalunngilarput iluatsissinnaasoq. Taamaasilluni siunnersuuteqartup piumasaa Tele Greenland aningaasaqarnikkut akisussaassuseqartoq anguniaraanni oqarasuaateqarnikkut namminersortunngorsaaneq pisariaqarpoq.

Erseqqissumik tamanna oqaatigaarput. Demokraatit Partii Liberaliuvoq nalunngikkaa unammilleqatigiinneq iluatsissinnaasoq, tamannalu aamma pisortatigoortumik saqqummersitsinikkut naqissuserneqarpoq oqarasuaatitigut niuerneq inuiaqatigiinnut suniutaasussami. Namminersortunngorsaaneq inuiaqatigiinnut suniutigissavaai 69-112 million koruunit.

Taakku oqaaseqaatigalugit siunnersuut itigartinneqarnissaa inassutigaarput.